

# Asesiad Effaith Cydraddoldeb

Gweler y daflen *Sut i Wneud Asesiad Effaith Cydraddoldeb* am gymorth i lenwi'r ffurflen yma. Mae croeso hefyd i chi gysylltu gyda Delyth Williams, Swyddog Polisi a Chydraddoldeb ar est 32708, neu [DelythGadlysWilliams@gwynedd.llyw.cymru](mailto:DelythGadlysWilliams@gwynedd.llyw.cymru), am gymorth pellach.

Mae'n ofynnol i'r Cyngor (dan Ddeddf Cydraddoldeb 2010) i ystyried yr effaith fydd newid mewn unrhyw bolisi neu weithdrefn (neu greu polisi neu weithdrefn o'r newydd), yn ei gael ar bobl hefo nodweddion cydraddoldeb gwarchoddedig. Mae gan y Cyngor hefyd ddyletswyddau cyffredinol ychwanegol i sicrhau tegwch a meithrin perthnasau da. Rhaid felly gwneud Asesiad Effaith Cydraddoldeb amserol cyn gwneud penderfyniad ar unrhyw newid perthnasol (h.y. sy'n cael effaith ar bobl hefo nodwedd gwarchoddedig).

## I Manylion

### I.1 Beth yw enw'r polisi / gwasanaeth dan sylw?

Cynllun Gweithredu Tai ar gyfer 2020/21 hyd at 2026/27

### I.2 Beth ydi pwrpas y polisi/gwasanaeth sy'n cael ei greu neu ei newid? Pa newidiadau sy'n cael eu hystyried?

Nod y cynllun yw ymateb i'r argyfwng cynyddol yn y maes tai yng Ngwynedd a chael gwared ag anghydraddoldeb. Yn benodol mae'r cynllun yn amlinellu sut y byddwn yn ceisio mynd i'r afael â'r pum her a nodir yn ein Strategaeth Tai, sef:

- Neb yn ddigartref yng Ngwynedd
- Tai cymdeithasol ar gael i bawb sydd angen un
- Cartref pawb yng Ngwynedd yn fforddiadwy iddynt
- Tai Gwynedd yn llesol i'r amgylchedd
- Cartrefi yn cael dylanwad cadarnhaol ar iechyd a llesiant pobl Gwynedd.

### I.3 Pwy sy'n gyfrifol am yr asesiad yma?

Dafydd Gibbard, Pennaeth Tai ac Eiddo

### I.4 Pryd wnaethoch chi gychwyn yr asesiad? Pa fersiwn yw hwn?

03/07/20 – fersiwn cyntaf  
12/11/20 – fersiwn 2

## 2) Gweithredu

### 2.1 Pwy yw'r partneriaid fydd yn rhaid gweithio hefo nhw i wneud yr asesiad yma?

Pobl Gwynedd  
Holl staff Adran Tai ac Eiddo  
Adran Oedolion, Iechyd a Llesiant  
Adran Plant a Theuluoedd  
Cymdeithasau Tai o fewn Gwynedd  
Pwyllgor Craffu Gofal  
Aelodau Cabinet Cyngor Gwynedd

### 2.2 Pa gamau ydych chi wedi ei gymryd i ymgysylltu gyda pobl hefo nodweddion gwarchoddedig?

Cynhaliwyd cyfres o weithdai a cyfarfodydd gyda'n partneriaid er mwyn sefydlu dealltwriaeth gadarn o'r heriau sy'n wynebu pobl Gwynedd. Yn deillio o'r ymgysylltu yno rydym wedi datblygu cyfres o brosiectau penodol er mwyn mynd i'r afael a'r heriau yno.

Mae datblygiad y cynllun hefyd yn ddilyniant naturiol i'r gwaith ymgynghori a wnaethpwyd wrth baratoi'r Strategaeth Tai, y Strategaeth Cefnogi Pobl a Digartrefedd Rhanbarthol, yn ogystal â'r Asesiad Llesiant Lleol.

### 2.3 Beth oedd canlyniad yr ymgysylltu?

Defnyddiwyd sampl o achosion y mae swyddogion o'r Adran Tai yn delio a hwy er mwyn adnabod problemau a rhwystrau cyffredin ond hefyd rhai sy'n effeithio nodweddion gwarchoddedig penodol megis, anabledd, oedran a rhyw ayb. Yn ychwanegol, mae ymgysylltu wedi digwydd gyda'n partneriaid a budd-ddeiliaid (fel y nodir yn rhan 2.1) sydd wedi atgyfnerthu'r prif negeseuon canlynol:

1. Rydym wedi gweld cynnydd o 40% yn y galw am wasanaeth Digartrefedd ers 2014/15 a twf sylweddol yn ystod y pandemig Covid-19 gyda'r nifer misol sy'n cyflwyno eu hunain wedi neidio o gyfartaledd o 60 y mis i 80 y mis. Mae nifer o'r unigolion wedi ei lleoli mewn llety dros dro /argyfwng ar hyn o bryd ac mae angen clir ar gyfer cynyddu'r unedau byw addas o fewn y Sir a hefyd ymestyn y gefnogaeth sydd ar gael iddynt, gan gynnwys cefnogaeth iechyd meddwl arbenigol. Yr un mor berthnasol oedd yr angen i ddarparu cefnogaeth i unigolion sy'n wynebu heriau iechyd meddwl sy'n eu rhoi eu rhoi mewn perygl o golli meddiant o'u cartrefi a dod yn ddigartref.

2. Mae dros 2,000 o bobl ar y Gofrestr Tai yng Ngwynedd heddiw, gyda'r galw mwyaf am lety un a dwy ystafell wely i bobl sengl o dan 35, ac mae prinder cyflenwad ohonynt. Y cyfnod cyfartalog o amser a dreulir ar y gofrestr tai cyn i gynnig am lety gael ei wneud yw 435 diwrnod.

3. Mae 59% o drigolion Gwynedd wedi cael eu prisio allan o'r farchnad yng Ngwynedd o gymharu â 56% yng Nghymru, gyda blaendal morgais yn broblem sylweddol i brynwyr tro cyntaf. Mewn rhai cymunedau mae angen 7 gwaith yr incwm cyfartalog i brynu eiddo.

4. Mae natur ac isadeiledd tai yng Ngwynedd yn golygu fod nifer yn byw mewn tloidi tanwydd, amcangyfrifir oddeutu 23% o dai yng Ngwynedd.

5. Mae natur ac adeiladwaith rhai tai yn rhwystr i bobl hyn barhau i fyw'n annibynnol yn eu cartref.

6. Mae diffyg stoc addas o dai ar gyfer plant anabl sy'n dychwelyd adref o'r ysbyty.

7. Mae diffyg presennol yn y nifer o gartrefi sydd ar gael i'w cynnig i ieuencid sydd yn gadael ein gofal yn ddeunaw oed. Mae diffyg hefyd yn y nifer unedau "tai gyda chefnogaeth" ar gyfer cartrefu ieuencid sydd angen cymorth gan y Cyngor i fyw'n annibynnol.

8. Ar hyn o bryd mae hyd at 30 o oedolion gydag anghenion dwys yn byw mewn lleoliadau anaddas ar draws y sir.

Mae'r cynllun gweithredu arfaethedig wedi ei ddatblygu yn sgil yr ymgysylltu yma ac mewn ymgynghoriad a'n partneriaid.

## 2.4 Ar sail pa dystiolaeth arall ydych chi'n gweithredu?

Mae'r Asesiad Marchnad Dai Lleol Gwynedd yn atgyfnerthu canlyniadau'r ymgynghori ymhellach ac yn canfod:

### Tai Cymdeithasol

Mae gan 53% o'r stoc tai cymdeithasol yng Ngwynedd dair neu fwy o ystafelloedd gwely, sy'n uwch na chyfartaledd Cymru, sef 47%. Dim ond 14% o'r stoc tai sydd ag un ystafell wely, sy'n cyfyngu ar gyfleoedd i denantiaid symud i dai llai.

Mae'r nifer sy'n hawlio Budd-dal Tai yn y Sector Rhentu Cymdeithasol yng Ngwynedd yn 72.5%, sy'n uwch na Chymru gyda 68%.

Gofynnodd 71% ar y gofrestr tai cymdeithasol am eiddo un neu ddwy ystafell wely, fodd bynnag mae prinder o 24% yn y stoc tai cymdeithasol.

Bydd effaith diwygio lles yn arwain at gynydd yn nifer y teuluoedd sy'n troi at y sector tai cymdeithasol wrth i rentu preifat fod yn anaddas a chyda cynnydd yn y galw am eiddo mwy.

Mae llai na 10% o'r stoc tai cymdeithasol wedi cael addasiadau o ryw fath, nid yw hyn yn adlewyrchiad o lety sy'n gwbl hygyrch.

### Digartrefedd

Roedd 60% o ymgeiswyr digartref yn 2018 yn unigolion sengl. Nid yw'r cyflenwad o dai cymdeithasol yn diwallu gofynion anghenion y digartref.

### Fforddiadwyedd

Mae'n debygol y bydd Diwygio Lles yn golygu y bydd aelwyd gyffredin o oedran gweithio yng Ngwynedd £45 yn dlotach bob wythnos erbyn 2020.

Mae bwlch o £4,781 rhwng incwm canolrifol a'r incwm sydd ei angen i brynu tai yn y chwarterl isaf yng Ngwynedd

Mae bwlch o £17,067 rhwng incwm canolrifol a'r incwm sydd ei angen i brynu cartrefi canolrifol yng Ngwynedd.

Mae rhentu sector preifat yn llai fforddiadwy i aelwydydd yn 2017, gan fod lwfansau tai yng Ngwynedd ar gyfartaledd £121 yn is na rhent sector preifat.

### Cyflenwad Tai

Disgwylir i'r cynnydd yng ngrŵp yr oedran hŷn barhau, gan fod pobl yn byw'n hirach ac yn symud i'r ardal. Ymhenn 20 mlynedd, disgwylir y bydd 60% yn ychwanegol o bobl dros 80 oed yn byw yng Ngwynedd. Bydd hyn yn arwain at fwy o alw am lety sy'n fwy addas ar gyfer y grŵp oedran hwn.

Disgwylir i nifer yr aelwydydd gynyddu 8% hyd at 2035. Taflunnir cynnydd o 18% mewn aelwydydd 1 person; ac 13% o aelwydydd 5+ o bobl erbyn 2035 gan arwain at gynydd yn yr angen am dai llai gydag un neu ddwy lofft

Disgwylir cynnydd yn yr angen am anheddau mawr (5+ person) hefyd oherwydd bydd mwy o deuluoedd mawr

## **2.5 Oes yna unrhyw flychau yn y dystiolaeth sydd angen ei gasglu?**

Wrth ddatblygu rhai prosiectau ymhellach, megis y cynigion sy'n ymwneud ag adeiladu neu drosi adeiladu, bydd ymgynghori pellach angen digwydd gydag ystyriaeth bellach i unrhyw effaith ar gydraddoldeb.

Un agwedd allweddol o'r Cynllun Gweithredu Tai yw'r gwaith i sefydlu'r gwir angen am dai yn ein cymunedau. Er ein bod yn ymwybodol fod y galw am gartrefi yn uwch na'r cyflenwad fforddiadwy sydd ar gael yng Ngwynedd, mae angen gwaith pellach i sefydlu a meintoli'r union angen am wahanol fathau o gartrefi ym mhob ardal o'r sir. Bydd cydraddoldeb yn rhan annatod o'r gwaith i fireinio ein dealltwriaeth o'r angen yng Ngwynedd.

### 3) Adnabod yr Effaith

3.1 Mae'n rhaid i'r Cyngor roi sylw dyledus i'r effaith fydd unrhyw newidiadau'n ei gael ar bobl hefo nodweddion cydraddoldeb isod. Beth yw'r effaith fydd y polisi neu wasanaeth newydd neu'r newidiadau arfaethedig yn ei gael ar bobl hefo'r nodweddion hyn? Mae croeso i chi chwianegu nodweddion eraill os ydych chi'n dymuno.

Nodweddion	Sut fath o effaith? *	Ym mha ffordd? Beth yw'r dystiolaeth?
<b>Hil (gan gynnwys cenedligrwydd)</b>	Positif	<p>Drwy gynyddu'r nifer ac ystod o dai o fewn y Sir, yn ogystal â'r pecynnau cefnogaeth i denantiaid a landlordiaid preifat, byddwn yn edrych i leihau digartrefedd a gwella safonau tai yn gyffredinol, gan gynnwys rhentu sector preifat.</p> <p>Mae'r cynlluniau yn debygol o gael effaith positif ar y nodwedd hil gan y bydd cynnydd cyffredinol yn y nifer o dai fforddiadwy sy'n addas, ac yn cyd-fynd, ag anghenion gwahanol ein cymunedau. Er enghraifft yn ôl yr Asesiad Marchnad Dai Lleol mae tystiolaeth o fewn y Sector Rhentu Preifat fod rhai darpar denantiaid yn wynebu gwahaniaethu oherwydd eu bod yn dod o leiafrif ethnig. Yn yr un modd, gall arwain at gynnig opsiynau mwy addas i bobl sy'n byw mewn llety am-daliadaeth neu ddelio ag achosion o orlenwi.</p> <p>Bydd ymgynghori yn rhan annatod o'n gwaith parhaus i fireinio ein dealltwriaeth o'r angen mewn gwahanol ardaloedd yng Ngwynedd, gyda ystyriaeth ofalus i'r nodwedd hil a'r diwylliannau gwahanol cysylltiedig, ac effaith hynny ar yr angen am dai. Bydd manylder y cynlluniau datblygu a chefnogaeth yn cael ei selio ar ganlyniadau y gwaith hynny.</p>
<b>Yr iaith Gymraeg</b>	Positif	<p>Amcangyfrifir fod 60% o brynwyr wedi eu prisio allan o'r farchnad leol. Gall cynyddu'r nifer o dai fforddiadwy, yn ogystal a'r pecynnau cefnogaeth arfaethedig o ran benthyciadau a rhyddhad trethi, Sir olygu fod mwy o bobl leol yn dewis / gallu aros yng Ngwynedd.</p>
<b>Anabledd</b>	Positif	<p>Gwyddom fod nifer o rwystrau i blant ag oedolion anabl ddod o hyd i dy addas a fforddiadwy, gyda phrinder o dai sy'n hygyrch a digon hyblyg ar gyfer eu haddasu. Drwy glustnodi arian ar gyfer cyllido addasiadau i dai, a chyflwyno unedau arbenigol dros dro a parhaol o'r newydd, gallwn wneud gwahaniaeth sylweddol safonau byw a lles meddyliol i nifer o unigolion a theuluoedd.</p> <p>Mae problemau iechyd meddwl yn gyffredin ymysg unigolion sy'n cyflwyno eu hunain yn ddigartref. Yn ôl yr adolygiad 'A yw Cymru'n decach?' cafnwyd fod effaith cynlluniau i atal digartrefedd yn amrywiol ar bobl â nodweddion gwarchoddedig, yn enwedig rhai sydd a chyflyrau iechyd meddwl. Drwy gynnig cefnogaeth iechyd meddwl arbenigol ynghyd a llety pwrpasol ac addas i ddarparu'r gefnogaeth, byddwn yn anelu sicrhau fod gan unigolion y cymorth angenrheidiol.</p> <p>Gwyddom hefyd fod pobl anabl yn fwy tebygol o fyw mewn tlodi a phrofi amddifadedd difrifol na phobl nad ydynt yn anabl. Mae ein rhaglen o gynlluniau yn cynnwys datblygiadau tai gyda chefnogaeth i oedolion a phlant gydag anghenion dwys yn ogystal â pheynnau cefnogaeth ariannol i wella cyflwr tai a gwneud addasiadau er mwyn galluogi unigolion i barhau i fyw yn eu tai. Yn ogystal â chynyddu'r nifer ac ystod o dai sydd ar gael i bobl Gwynedd, byddwn yn sicrhau fod yn cwrdd â Safonau Ansawdd Tai Cymru.</p>

<b>Rhyw</b>	Positif	<p>Bydd y gwaith i wella ein dealltwriaeth o'r angen yn caniatáu i ni gomisiynu a datblygu tai i gwrdd â'r anghenion gwahanol, gan gynnwys rhai heriau sy'n effeithio rhai nodweddion gwarchoddedig yn fwy na'i gilydd.</p> <p>Gwyddom er enghraifft fod canran uchel o'r restr aros am dai cymdeithasol yn ddynion sengl o dan 35 oed. Mae pwyslais uwch ar ddatblygu unedau maint llai er mwyn cyfarch yr angen yma. Yn yr un modd mae diwygiadau lles yn debygol o gael fwy o effaith ar rieni sengl sydd yn ei dro yn debygol o gynyddu'r galw am dai cymdeithasol i'r carfan yno; gwyddom fod merched er enghraifft yn fwy tebygol fod yn deulu un rhiant.</p>
<b>Oedran</b>	Positif	<p>Dengys yr asesiad marchnad dai lleol fod prinder tai fforddiadwy i brynwyr ac yn benodol prynwyr tro cyntaf. Felly bydd ein cynlluniau i gynyddu'r nifer o dai fforddiadwy o fewn y Sir, yn ogystal pecynnau grantiau ac eithriadau treth arfaethedig yn cael effaith positif.</p> <p>Gwyddom hefyd fod y boblogaeth dros 80 yn cynyddu gyda nifer o dai hyn yn anaddas i alluogi nhw fyw'n annibynnol yn eu cartrefi. Bwriedir cefnogi drwy ein cynlluniau i gynyddu'r nifer o Dai Gofal Ychwanegol a modelau cefnogi megis wardeiniaid symudol, yn ogystal â grantiau i wella cyflwr tai. Yn yr un modd, bydd cynyddu'r ystod o dai fforddiadwy a cymdeithasol, sydd wedi'u dylunio i gwrdd ag anghenion, yn gallu bod o gymorth hefyd.</p>
<b>Cyfeiriadedd rhywiol</b>	Dim	<p>Nid ydym wedi adnabod effaith ond gall y gwaith pellach i adnabod y gwir angen am dai o fewn y Sir olygu fod angen ail-ymweld.</p>
<b>Crefydd neu gred (neu ddiffyg cred)</b>	Dim	
<b>Ailbennu rhywedd</b>	Dim	
<b>Beichiogrwydd a mamolaeth</b>	Dim	
<b>Priodas a phartneriaeth sifil</b>	Dim	

**3.2 Mae'n ddyletswydd ar y Cyngor dan Ddeddf Cydraddoldeb 2010 i gyfrannu'n positif i gymdeithas decach trwy hybu cydraddoldeb a pherthynas dda yn ei weithgareddau ym meysydd oedran, rhyw, cyfeiriadedd rhywiol, crefydd, hil, trawsrywedd, anabledd a beichiogrwydd a mamolaeth. Mae'n rhaid i'r Cyngor roi sylw dyledus i'r ffordd mae unrhyw newid yn effeithio'r dyletswyddau yma.**

<b>Dyletswyddau Cyffredinol y Ddeddf Cydraddoldeb</b>	<b>A yw'n cael effaith?*</b>	<b>Ym mha ffordd? Beth yw'r dystiolaeth?</b>
<b>Cael gwared â cham-wahaniaethu anghyfreithlon, aflonyddu ac erledigaeth</b>	Ydi	<p>Drwy gyfuniad o becynnau cefnogaeth a chynlluniau i ddarparu llety addas mae'r cynllun yn ei gyfarwydd yn ceisio cael gwared a chamwahaniaethu ac yn hyrwyddo cyfleoedd cyfartal drwy leihau'r rhwystrau (fel yr amlinellir yn rhan 2.3) sy'n nadu pobl Gwynedd rhag darganfod a byw mewn llety sy'n cwrdd â'u hanghenion.</p>

<b>Hyrwyddo cyfleoedd cyfartal</b>	Ydi	Bydd y prosiect o sefydlu'r gwir angen o fewn ein cymunedau yn hysbysu'r cynlluniau yma ymhellach ac yn edrych i feithrin perthnasau da wrth ymgynghori a phobl Gwynedd ac ystyried yr effeithiau ar bob nodwedd gwarchoddedig.
<b>Meithrin perthnasau da</b>	Ydi	O safbwynt ein dyletswydd economaidd gymdeithasol, gwyddom fod 60% o bobl Gwynedd wedi eu prisio allan o'r farchnad dai. Mae'r cynllun yn edrych i sicrhau gwell canlyniadau i'r rheini sy'n wynebu anfantais economaidd-gymdeithasol drwy gynyddu'r nifer o dai fforddiadwy yng Ngwynedd drwy gynlluniau adeiladu ac atgyweirio tai. Bydd cynlluniau yn cael eu gwerthuso ar sail beth sy'n bris fforddiadwy o fewn y gwahanol ardaloedd yng Ngwynedd. Bydd ein cynlluniau hefyd yn anelu i sicrhau fod tai Gwynedd yn llesol i'r amgylchedd, fydd hefyd yn cynnig manteision effeithlonrwydd ynni i breswylwyr.
<b>Dyletswydd Economaidd Gymdeithasol</b>	Ydi	

**4) Dadansoddi'r canlyniadau**

**4.1 Ydi'r polisi felly'n debygol o gael effaith sylweddol, bositif ar unrhyw un o'r nodweddion cydraddoldeb neu'r Ddyletswydd Gyffredinol? Beth yw'r rheswm am hyn?**

Ydi. Mae'r cynllun yn seiliedig ar hyn mae ein partneriaid yn adnabod fel rhwystrau i drigolion, ac felly rhai o'r nodweddion cydraddoldeb

**4.2 Ydi'r polisi felly'n debygol o gael effaith sylweddol, negyddol ar unrhyw un o'r nodweddion cydraddoldeb neu'r Ddyletswydd Gyffredinol? Beth yw'r rheswm am hyn?**

Nid ydym yn rhagweld unrhyw effaith negyddol ond byddwn yn monitro wrth i gynlluniau aeddfedu a cael eu mireinio.

**4.3 Beth ddylid ei wneud?**

Dewiswch un o'r canlynol:

Parhau gyda'r polisi / gwasanaeth gan ei fod yn gadarn	X
Addasu'r polisi i ddileu unrhyw rwystrau	
Atal a dileu'r polisi gan fod yr effeithiau niweidiol yn rhy fawr	
Parhau a'r polisi oherwydd gellir cyfiawnhau unrhyw effaith niweidiol	

**4.4 Os yn parhau hefo'r cynllun, pa gamau fyddwch chi'n cymryd i leihau neu liniaru unrhyw effeithiau negyddol?**

Mae natur rhai o'r cynlluniau yn golygu nad ydym yn gwybod beth fydd yr union ddeilliannau eto, er enghraifft, mae gwaith parhaus angen i'w wneud er mwyn adnabod beth yw'r gwir angen o fewn gwahanol ardaloedd o'r Sir. Rhan annatod o'r gwaith yno fydd ymgynghori, gyda sylw dyledus i'r nodweddion cydraddoldeb wrth gwrs.



**4.5 Os nad ydych yn gweithredu ymhellach i ddileu neu leihau effeithiau negyddol, esboniwch pam yma.**

Amherthnasol

**5) Monitro**

**5.1 Pa gamau fyddwch chi'n gymryd i fonitro effaith ac effeithiolrwydd y polisi neu wasanaeth (cynllun gweithredu)?**

**Byddwn yn paratoi asesiadau wrth fireinio'r cynlluniau ymhellach.**